

嘉筆禾微獻錄

嘉禾徵獻錄卷三

吏部

郡人盛楓丹山輯

男支焯校訂

吳

鵬

祖昭 父方 弟鶴
子緝紳綬孫維貞

紹

嚴

清

父鏐 遠祖勝
子官實 父有從子思恭

繼

似祖

從子忠培

從簡

遠祖貴和 父寧
祖萃

樂善
韓相

徐石麒

嗣子兩穀 穀妻孫氏
僕祖敏 李昇 李茂

俞

山

父仲玉
子誥

戴

瑞

從父嘯 弁
兄弟珊珥璵璣玳玳

鄒國儒

父浩

母程氏

洪

丞

父梁

世基

弟紹基妻項氏

金麗兼

弟華揚

陸康稷

沈淳又沈淳

金鼎

卞綸子徵徵子翽翼

諶從子瑞

錫父玉
子洪勲 洪烈 洪載

洪章父鎰

夏允彝子完淳淳妻錢氏

吳鵬字萬里號默泉祖昭由海寧徙秀水父方長葛訓導鵬少孤貧歲暮欲自沉於湖有劉用章者見而

厚周之賴以濟嘉靖舉於鄉成進士授都

水主事耿定向先進遺風默泉吳公筮仕都水提督

陳具一冊題曰交新忠告條於左曰某事吾所經
畫頗當君宜仍之某事宜於前而今有弊吾欲改未

改君宜易之某人可用君用之某人不可用吾欲斥
未斤君宜斥之凡十餘條吳公至按冊試一二衆以
為宜遂悉指諸行人翕然稱善吳公以是與陳公為
相知餘姚楊二檀亦以都水管濟寧以南開河代者
為李某二檀告之如陳公所以告吳者唯唯而心銜
之後為考功郎竟索楊公癥去其官進言者亦視其
哉丁父憂補刑部主事典試山東改職方歷武選員
外陞貴州提學僉事丁母憂補廣東提學陞廣西叅
議雲南督學副使齎敕諭安南都統莫福海遷福建
左叅政討平峒賊陳日輝等進江西按察使本省布
政使尋以右副都御史巡撫其地辛亥訛言四起居
民逃竄鵬廉其人礫都市民乃定塞上多警部議捐

江西兵食充邊餉鵬力持寢之八拜工部右侍郎轉

刑部癸丑以本官兼僉都御史出賑淮徐諸郡還改

兵部侍郎復兼副都總督漕運河南柘城賊師尚詔

反敗之五河城西山日記尚詔南下太宰輕騎至宿州

士二十人擇其中狡黠者數人與火器約二十金募壯

城東西二里許各舉一大砲五里外再舉一砲夜半

城內舉一砲里外連舉數砲聲振遠邇賊震大兵

至倉卒南走先檄河南北岸不許泊一舟違者斬賊

計無復即擢右都御史撫南畿論功賜金綺入為工

部尚書丙辰吏部尚書李默得罪命以鵬代徐學謨

餘錄掌吏部尚書大學士李本請分別大臣世廟識

嘉其忠於是歷疏大臣當罷者而以工部尚書吳鵬

嵩子世蕃列優等

鵬以是得改吏部景府之國部議以進士充長史中

書舍人劉芬清狂不慧或曰吏部將以爾為之芬大

怒馳往鵬家裂冠毀裳戟手大罵鵬以聞逮法司拷

問黜之

世廟識餘錄芬與鵬子紹同年進士一日酒

乃乘醉發其科場陰事并紹所問之紹在家不肯出見

詈及閨門鵬大恚奏劾之

劉用章者以鄉貢試吏部

授肇慶府通判以報其德焉兩充殿試讀卷官以子

紹中式請避不聽庚申六載考績加太子太保為雲

南道御史耿定向劾奏疏辨求退溫旨慰留辛酉二

月朔日當食微陰曆官言日食不見即同不食上喜

嚴嵩趨部上賀禮部尚書吳山仰首曰日方虧誰欺
耶救護如常儀上大怒吏科給事中梁夢龍等見上
怒山甚又惡專劾山乃并及鵬數其黨同徇畏銓法
出於嚴氏勒令致仕世宗實錄四十年三月乙亥吏部尚書吳鵬致仕禮部尚書吳
山間住鵬在吏部凡百官進退一聽嚴世蕃即邊方
小吏無有敢自專者人心無不憤恨山直諒有時望
既以護日忤旨上大不悅嘗示風旨
於科道諸臣梁夢龍等遂并劾山鵬萬厯七年年八
十卒於家有明史稿郡城傾脂河之旁為楞嚴佛寺時
世廟崇玄凡僧舍聽人佃居鵬子遂佃以為園鵬卒
其孫維貞乃還之鵬在外臺遇事敏決頗有才名惜

晚節委蛇令其孫娶世蕃女令其女為董份繼室至

以份位已高講釣敵之體遂招物議有飛鴻亭集二

十卷靜志居詩話尚書居里門不自韜匿以是鄉人

輸直於官請佃撈嚴寺隙地且酬僧徒以白金四百

兩因葺野樂園蓋與勢佔者有間矣園有堂曰仙瀛

前為圃曰閒曰猗猗曰忘機曰都春門曰吾如所

堂後有樓曰雲曰樓前二亭曰漱芳曰臨賦小沼環

之左右齋各一曰悟真曰守虛園成自為作記告誠

其子謂宮室勿崇土田勿闢輿馬勿飾服御勿奢饗

殮勿珍執業勿懈交游勿濫施予勿吝辭受勿苟其

暢特少警策當在徐沛極民飢截漕糧數萬發之而

後請命又敗永城賊師尚詔於五河贍畧亦有過人

者比於吳之陸弟鶴楚府奉祀子緝繼紹紳綬緝中

書舍人紳鴻臚署丞綬亳州判官孫維貞字鳳山為諸生少有志行以先人故不振項氏家乘有名徵字伯虬者官寧縣知縣為黔泉之孫其父與出身莫考

繼字小泉任都督府經歷遷中書舍人歷主事員外郎中知尋甸府中途乞歸著文蔚編四卷墨娥小錄十二卷

紹字次泉嘉靖戊午順天舉人己未進士登第時頗不滿人口以父故得儀制主事歷員外郎中終廣東參議支大綸永陵編年吳紹吳緝異母弟也籍董份為考官得與計偕復第進士緝忌之而世

蕃女為緝子婦姻婭甚篤御史耿定向為嵩義子探
知緝意遂告嵩曰兒欲言吳紹事父云何嵩曰美名
可向市也徐階素忌鵬定向其門生也又告於階曰
矣乃具奏草號於衆鵬懼老不憚何定向曰嚴已許我
我隱之且奏草號於衆鵬懼老不憚何定向曰嚴已許我
醜詆云萃野林居漫錄支公司理泉州為耿公所劾故
屢躋仕途官不獲編浙中一士紳亦登萬曆初元甲榜
事自署永昭二陵信史其中外謬一私史紀世穆兩朝
所取士則總署曰是年得士其某以功業文章著其
某以貪酷奸邪著俱信筆任口無一姓得實有罹其毒
而先知者輒以重賂相懇一覽洞然姓名別易一人又
賂則又改其籍墨互換處一覽洞然姓名別易一人又
其素橫穢無屑與辨者耿楚侗尚書雖與江陵素
厚要其生平自江陵奪情欲草疏糾正為其所覺
其深讐也又云江陵奪情欲草疏糾正為其所覺
構陷被謫不惟無據即考當時年月亦了不相涉

嚴清字直鄉號寅所其先汴人有字秋蟾者宋咸淳
中寓郡之竹林巷賣藥自給子子成子真子成字伯
玉益精其業與趙孟頫善子真曾孫勝充錦衣軍校
從西平侯沐英南征隸雲南後衛累功授百戶世襲
遂家於滇清父鏌字春富亦善醫多起人於危殆清
年二十中嘉靖癸卯雲南舉人甲辰進士知富順縣
丁母憂補邯鄲有廉能聲入為屯田主事繼員外郎
郎中督修外城九陵丁父憂起車駕郎中出知保定
府明史稿故事歲籍民充京師庫役清舉邊才備兵
罷之賑荒弭盜人以比之前守吳獻

易州調陝西叅政進四川按察使就遷本省右布政使隆慶戊辰擢僉都御史巡撫貴州未上改四川清故川吏習知全蜀利弊乃奏割輸京川課二十萬兩就近改給陝西軍餉番人入貢限數不得踰額奏罷團操束豪悍民以法謗者遂衆先是清知富順時藩臬吏以事下縣甚傲至是其人猶有在者清輒痛笞之戎縣都蠻阿大等寇掠高筠等縣擄百戶張汝昆清舉總兵安大朝征勦無功巡按御史王廷瞻劾清縱寇大學士趙貞吉言賊起郿陝貽害川徼卽有罪

當罪守土臣不宜專責巡撫臣蜀人也深知清約已
愛人省事任怨今蜀地歲荒民流方倚如父母柰何
棄之疏奏不報解官遂不出萬曆二年起撫山西不
赴改貴州進南大理卿尋改北厯刑吏兩部侍郎進
刑部尚書先是大盜朱國臣結黨游行輦下皇親周
世臣遇之途數屬目焉國臣懼與其黨劉汝臣等夜
入其家世臣出禦殺一人卒為汝臣所刺死脰篋得
百五十金以去世臣侍婢荷花方盜入時匿於屏後
既去拾餘金以告其僕王奎時世廟山陵初就內外

戒嚴指揮張國維司游徼不敢聲言盜會荷花與王奎持金私語遂誣以奸署刑部侍郎翁大立主其事論死已二年矣獲國臣吐實遂伏法識小編京師大劉燁劉大劉二劉三等十人一日命其妻供夜半之食黨集而妻睡失炊怒答之逸出遇夜巡反詰云爾何官曰夜巡把總也曰夜巡獲盜盜陞何官曰陞欽依或參將曰吾語爾堂子衛衛有盜十人可往擒之然須養吾終身耳諾之果獲十人無貴下法司俱伏國臣云我等擒京師清矣吾告若記獄不可不慎如石駙馬家周皇親之殺乃我也而坐使女蕭荷花凌遲家人斬不亦冤乎李皇親朝房人亦我殺其婢與僕棄首飾於道而坐拾遺人以死又一冤也今吾大立不言誰復鳴之於是法司追問治荷花獄者

已遷南兵部尚書奪職承審郎官徐一忠等外謫者

三人國維論成張居正當國尚書不附麗者惟清又
居正歿籍馮保家得問遺籍清與都御史陳爌無名
上深重之以清代梁夢龍為吏部尚書到部日討故
實辨官材丞佐以下皆親標署無倖進者中外師其
廉儉書問幾絕半歲得病歸又二年起兵部尚書不
赴戊子進太子少保歲給廩粟輿夫庚寅卒年六十
七贈太子太保賜祭葬謚恭肅明史有傳清為人風檢澄
峻器識清敏居官食粗衣敝泊如也王錫爵嘗言清
與海瑞邱橐畧同而二公好標異不諳大體清獨有

長者風其為尚書貧不能裝帶束素屏以朝

見聞雜紀

觀嚴公清栖止

火房不携家不交際庶幾一塵不滓

五臺陸公先祖

有意氣能加念人才雖屢招浮議而

所守矜然未可輕

詆惜皆在位不久晚歲里居隱松華山有冰玉堂遺

集子官實宜賓官實萬厯丁酉同榜中式俱雲南籍

實官某府同知宜以任知慶遠州賓諸生不仕從子

思恭隆慶庚午中式雲南鄉試累官長沙府同知

恭肅

祖墓在春波門外官為之表曰慶流滇浙

似祖字亦如賓子崇禎己卯以雲南昆明籍中式

庚辰成進士是科廷試外於臚傳日復召諸進士至

御前訪以政治得失稱旨者四十人似祖與焉即日

授檢討往例進士入翰林先改庶吉士三年然後拜

官此其變也花村看行侍者談往庚辰廷試後召對

日到任簡討中原知州明年纂修會典掌起居注管

理六科奏章壬午敕封榮藩假歸滇國破後出處不

詳滇南外史張獻忠死孫可望劉文秀李定國艾奇

遂假焦侯璉救援之兵破曲靖沙兵潰圍走省城亦

解嚴可望等入省搜檢現任文武官員并鄉紳舉貢

分別授職口稱共襄勤王以翰林嚴似祖為禮部既

可望欲自尊似祖具啟力爭可望怒遂杖殺之稱尊

亦議從子忠培崇禎己卯與似祖同中雲南鄉試

從簡字仲可清族子子成之裔也子成子貴和洪武初任太醫院散官貴和次子震嘗割股以療父人稱為嚴孝子震子樂善以善醫嗣父職孫胤昌鄉貢知福清縣胤昌子振鄉貢任新淦主簿振子賓潮陽主簿樂善曾孫萃鄉貢嘉靖初知陽江縣著藥性賦四篇即從簡祖也父宁萬年主簿終淮府典儀正從簡以嘉興籍中嘉靖己酉舉人己未進士任行人選工科給事中管益甲廠閹豎惡之令人密割其牙牌明年隆慶改元轉刑科右有發其失牙牌事謫婺源

承三年遷南安府推官量移常德府同知丁憂起補

揚州坐盜賊越城罷歸著殊域周咨錄二十四卷行

世錫命從簡弟從節之孫鄉貢由訓導終武緣教諭

中書觀勲臨俱有文名勲順治辛丑進士臨選貢官

舍人○從簡之去官也平湖人韓相嘉靖庚子舉人

以太平府通判繼為揚州府同知能詩有毓春堂稿

徐石麒字寶摩號虞求嘉興人嘉興縣新志公本賈

帶鎮之畫水鄉錢虞山初學集中有徐司寇畫溪集

序可證贅武塘又為嘉善人初入嘉邑庠後寄籍青

浦繼娶并封公墓在焉因有謂為松江人者蜀國後

卜葬海寧園花鎮之龍山又謂為海寧人大抵借引

以為地方之光其少坐事當繫獄俠士徐某陰縱而

實嘉人嘉善也

代之得脫寄籍青浦為諸生

項玉荀往哲續編公家賁賣文為活有富家子

買其文入武場者輒得第一事發

波及公遂亡走江湖間遇赦歸

中萬曆戊午應天舉人壬戌進士除營繕主事管節慎庫時魏忠賢掌

惜薪司石麒麟不順指使為黃尊素所得士益忌之補

給皇親博平侯郭振明新城侯王昇助葬銀五千兩

誣其受賄削奪

東林黨人榜有名

崇禎改元起原官補南祠

祭主事改南考功遷文選仍掌考功佐尚書鄭三俊

京察澄汰至公歷郎中進南尚寶卿尋陞應天府丞

奉表入賀時三俊為刑部尚書下獄

明史稿戶部尚書侯恂坐屯豆

事下獄三俊讞上不稱旨讒者謂恂與三俊皆東林曲法縱舍詞臣黃道周黃景昉救之上意未釋石麒麟言三俊歷事四朝官至尚書炊煙屢絕下獄之日猾胥酌酒相慶謂明謀欺罔臣敢剖心明之上得疏心動然猶嚴旨詰責之越數日三俊竟得釋石麒麟官南京十餘年江南通志有傳始入為右通政轉左遷光祿卿再遷通政使十三年五月平臺召對問守邊救荒安民三事對曰守邊在農戰互用救荒在勸民輸粟安民在省官用賢上領之進刑部右侍郎會推閣臣石麒麟與焉召對獨不赴上疑吏部尚

書李日宣有私并與推房可壯等三人執下吏人以

石麒麟為知幾三垣筆記時帝親召對少宗伯蔣德璟

已更正恐人難展布帝曰不稱當更德璟曰與其載

不稱更孰若慎之於始帝又問百姓變如何消弭德璟

曰天意只在百姓身上救得百姓一變即消弭得幾百

餘分萬歷間各邊舊餉只三萬餘萬今加新餉幾百

協萬又加練餉七萬一兵今增二總督二巡撫六總兵

又有副總兵數十餘人命裁之帝領其言時少司空亦

提撥不靈故嫖不用命裁之帝領其言時少司空亦

宋玟亦召對嫖嫖九邊地稱疾不至帝以疑其干進

反不悅惟少宰李日宣吏垣都諫章正宸掌河南道張

多濫召太宰李日宣吏垣都諫章正宸掌河南道張

瑄責之謂所推少司空房可壯宋復奏張三謨俱屬徇

私日宣正宸瑄等皆力辨己日宣復奏張三謨俱屬徇

權數次嘉可壯素有風采玟少年向學三謨亦曾掌

印過帝怒命錦衣衛將六人去冠等出候旨輔臣及
新點輔臣俱力救不從時皇太子與定興二王皆侍
立帝黃袍太子亡何上惡刑官輕擬日宣等獄奪左
侍郎惠世揚職貶石麒二秩代掌部事石麒請留世
揚賜已歸不允旋進左仍署部事陳新甲下獄給事
中廖國遴楊枝起光時亨倪仁禎倡議必殺之已又
為營救於石麒首輔周延儒以下亦多救之石麒持
之堅卒論死并按張若麒論如法馮夢龍紳志畧若
麒山東膠州人崇禎辛未進士以兵部郎中監軍失機下獄孫承澤
文淵事畧楊嗣昌怒黃道周疏論嗣昌不當奪情募
人參黃於是若麒以刑部主事上擁戴不靈疏而道
周降六級調外之旨與疏並下若麒遂以刑部調兵

部加太僕少卿察尋擢本部尚書是時內外交訐在
視遼師全軍陷沒廷諸臣夤緣賄賂相習成風石麒麟與鄭三俊劉宗周
祁彪佳同郡吳麟徵等悉心體國論事無少依回中
官劉元斌以縱軍淫掠誅其黨王裕民坐欺隱不舉
下獄上欲殺之初令三法司同鞫後專付刑部石麒
議成煙瘴奏成署院寺名以進宗周為都御史不知
也上怒其失出先召詰宗周對曰此獄非臣讞不敢
妄奏上益怒宗周徐曰臣雖不與聞然閱讞辭已曲
盡情事上乃霽顏曰此奴錢神有靈譬百足之蟲至

死不僵宗周曰刑官所職者法耳法如是止石麒麟非
私裕民也上曰此奴欺罔實甚卿等不知耳宗周曰
內廷隱微之奸非臣等所知乃令改讞辭棄之市三
筆記內臣劉元斌嘗監京軍討賊出過雄縣紀律頗
嚴及至山東勸李青山侍御王孫蕃劾其淫掠孫蕃
嘗知臨清或所目擊疏上奉旨差官校穿問凡差官
校挾問者疏俱密封下不鈔傳乃元斌疏孫蕃因攻
及司禮王裕民云元斌為裕民名下官裕民暗以臣
疏洩之故元斌得按款強辨不然本係密封下科元
斌何以知之帝以孫蕃發奸加二級裕民亦下獄與
元斌並棄市或云裕民之死以比司馬陳新甲匿塘
報故帝借項之宗周以救姜瑒熊開元獲嚴譴僉都
事殺之

御史金先辰救之奪職石麒麟兩疏請留謂宗周雖戇

顧朝廷之上欲再見此正襟危度之臣不可得不報
琛開元既下詔獄移刑部定罪石麒麟據原辭擬開元
贖徒琛謫戍不復鞫訊上怒責對狀石麒麟援故事對
且引罪歸己乞宥司官上怒不解除司官三人名石

麒麟遂落職間住吏部尚書鄭三俊等公疏乞留不許

明史稿鄭三俊傳三俊為人端嚴清亮正色立朝惟
引吳昌時為屬頗為世詬病時首輔周延儒力薦昌
時於帝他輔亦多稱其賢三俊遂請調補帝特召問
三俊復徇衆意以對明日即命下帝惡言官不職欲
多汰之嘗以語三俊三俊與昌時謀出給事中四人
御史六人於外給事御史大譁謂昌時忝制弄權連
章力攻并詆三俊三
俊乞休詔乘傳歸

甲申留都建起副都御史改右

都在事三月陞吏部尚書時馬士英用事賄賂公行
北師日迫國事已不可為石麒猶與都御史劉宗周
矢公考選擬莊元辰等十三人為科道士英茫其私
人更易殆半御史黃耳鼎給事中陸朗有物議石麒
以年例出之朗急賄閹人內傳留用石麒憤發朗通
內之罪朗恚疏詆石麒石麒遂稱疾乞休亡何耳鼎
亦兩疏劾石麒一言嘗劾吳昌時代為報復一言枉
殺陳新甲致敗款局石麒益憤歷敘昔年和議始末
及新甲欺罔隱情力請罷斥遂致仕歸以登極恩加

太子太保築別業於泖濱杜門不出乙酉閏六月間

郡城被圍馳還城破自縊寢室黃宗義作公墓志禾

曰吾大臣不可野死當與城存亡城上人譁曰吾公

來矣及城陷朝服自縊死時劉叢山在越城曰此降

城非吾死所乃出城外餓七日死海蒼頭祖敏李昇

內為作降城嘆我公來樂府美之

跪縊兩旁其僕李茂與報忠寺僧真實以木櫃盛屍

經炎暑五日嗣子爾穀將至祖塋啟之顏色如生握

手沒爪鬚怒張焉年六十八有可經堂集十二卷靜

居詩話冢宰歸田之日築堂於郡榜曰可經人不解

其故及乙酉城被圍公度必不能守步自東門入城

破自縊始信公之就義立志已石麒麟無子撫爾穀為

久蓋與昔賢止水之意脗合焉

三

十四

嗣焯按爾穀父即公未遇時代之繫獄者李茂之藏

甲申赴留都復立本宗柱臣為繼子

石麒麟屍於櫬中也鄉人有怨於石麒麟者請官追捕其嗣子茂夜取他棺屍更衣加含殮給稱為爾穀事遂寢時與敏昇稱三義僕云爾穀字似之國子生後坐陳子龍事死於江寧有畫水草堂詩稿妻孫氏聞爾穀被收一女在抱棄之投水死

俞山本名基字積之號樸莊秀水人父仲玉坐事謫邊與祖母母居永樂癸卯中本省鄉試以祖母周年高不上計又三載始會試入南雍時祭酒四明陳敬

宗師道尊嚴慎許可六館之士肅然獨待山以色宣
德庚戌為崑山訓導丁父憂正統丙辰補宜興訓導
又以祖母喪去服闋補郕府伴讀景泰初擢鴻臚丞
時興濟伯揚善掌寺事薦陞左少卿尋拜吏部右侍
郎兼經筵講官賜誥命并封其祖父母父母妻二年
轉左初議迎復禮同列或有難色山毅然曰鑒興復
然後人心悅而天下安我儕安可有所顧忌而逡巡
耶三年加太子少傅支二俸入直閣務王世貞云山
翰林且係乙科亦本朝異數今言云入閣不由
入閣十日仍歸部墓誌云固辭不入四年十一月命

同尚書王直每日經筵更番侍直遘風疾命太醫診
視進太子太傅疏乞骸骨詔留京就祿踰年疾少瘥
固申前請給官舟以行天順元年卒山為人質直而
遇事善諷諫在邸邸日書大學衍義尚書毛詩及聖
學心法等書進說又倣元許衡纂成講說勸王誦習
其佐銓衡凡有進謁輒正色嚴拒景帝知其清慎賞
賚有加作歲寒圖題詩賜之工詩文善書尤精大篆
及墨梅而嘗晦其蹟所著有梅莊集明史稿附子誥
字汝欽由舉人柳志失為工科給事中明史槩景泰
六年七月甲

申擢監生俞誥為給事中侍郎出判沂州味水軒日
俞一山以疾歸請官其子授之侍郎
携宋人舊冊來觀乃樂園青田筆法古淡樵類
語及姚侍御溫公獨樂中典故悉錄之予觀嘉興
諸君子送黃門俞欽八詠復不快全亦好畫遂
畫其七詠皆無雖一詠有畫不復能全亦好畫遂
補缺畧加之雲霧庶為可觀汝欽以余亦好畫遂
玉田劉廷震醉中畫時丁亥歲九月廿五日題於明
垣以少傳公之喪歸越三年俞君出判沂州之於
年之以詩者為亨奔八越以三年俞君出判沂州之
游東門外合於此為八越以三年俞君出判沂州之
郡者門市者為亨奔八越以三年俞君出判沂州之
賢者次駕湖布城南北兩坡相偶水皆知誦公之橋
草縹緲而勝地西水北隅有月波樓折而東則花岸
寺皆如織浙東首驛在城西門外當吳越之衝使節
往往復如織浙東首驛在城西門外當吳越之衝使節
聞自毘陵姑蘇而南抵於杭獨此為水勢之節水今

平行兩隄石相峙如故特不設局捷耳亦一壯觀也
六者皆郡中景物若垂虹亭則松陵城西左控雪灘
右挾太湖去吾郡兩驛盡一日之行則泊乎其下故
飲餞者以前之六詠猶為故鄉人物色不遽違也此
則判袂矣黃金臺為禮士而築人迨今不替其稱國
朝建北京而昔人遺事亦因重行冠以亨津者所始
之以言故為八詠之終夫八詠而冠以亨津者少傳
所至父以文學受知以賢科奮身而謂綬曰君出判
公為非亨津耶亨則氣易盈滿則規戒者寓今矣子
當為規戒辭綬曰古祝辭未嘗無規戒者為吾郡光
公橋首之者以公在唐文章相業炳如為吾郡用不
求無愧於公豈不偉哉終之以黃金臺者以今君
失賢而君之見禮重於當世則如隄見諸事業增重
於鄉郡則如宣公規也嘉興姚綬專記於君必思所
以致亭之道不待規也嘉興姚綬專記於君必思所
青閭圖作石牀三座皆架屋其左右而最前者為神
祠

在今日為劣轉而姚公文以為亨而懼其盈滿今昔人情亦如陵谷變幻不可測識耶補荆門州歷南康黃州知府

戴瑞字廷美浮梁人少孤從父嘏由鄉舉兩為嘉興

府學教官

明史嘏有學行富人輩遣其奴子入學嘏不可賄上官強之執愈堅見忤坐他事去

撫教之俾入籍嘉興中宣德壬子浙江鄉試正統丙

辰進士選庶吉士為詩文力追古人不為時俗所好

改吏部主事歷郎中卒於官戴本浮梁大族瑞之羣

從兄弟珊字廷珍天順甲申進士累官左都御史為

孝廟朝名臣珊父弁字士章

明史珊父即嘏

鄉貢廣東布政

使珉字廷振正統戊辰進士兵部郎中璨字廷光景泰庚午舉人順慶府同知璉與琥鄉試與璨同中式璉字廷獻成化丙戌進士大理評事琥字廷節舉人御史知紹興府廣西左叅政玘字廷潤景泰癸酉舉人天順癸未禮闈火卒於席舍與同邑鄧謙字益之者同贈進士出身璫字廷桂教諭科第稱一時之盛云

鄒國儒字醇甫秀水人父浩早卒母程苦志撫教之遂登嘉靖辛酉舉人乙丑進士具疏陳母節請旌授

刑部主事改南吏部擢本部郎中戊辰請急歸丁母
憂未幾卒國儒愿慤有至行未遇時教授邑中弟子
無不成材為諸生廩學宮幾二十年居家儉素登第
後不改其操官銓曹人望之仍如寒士

洪烝字惟進號鸚洲平湖人宋忠宣皓之裔父梁諸
生烝嘉靖辛酉舉人隆慶辛未進士知陳州奏停解
京俵馬三百餘匹代以折色又議減河北歲派驛費
入為職方員外改武選已改吏部郎中卒官
兩浙名賢錄有
傳烝之任陳州也有盜夥臨刑謂其伍曰我今為汝

死矣但我實非盜又未嘗識汝汝何陷之深也盜曰
汝不記往昔乎我苦飢以甕鬻於市某且予直矣汝
旁觀嫌其價高某遂弗售我負歸遇盜魁餌我以升
斗隱忍受之致有今日職汝故也能獨生耶其人俯
首受刑烝子世基

世基字爾濟號弱生萬厯庚子舉人精心制義輯
十八房衡明文檢二集操觚家奉為指南先是選刻
未盛世基倡為之同郡包鴻逵宋鳳翔項聲國乃相
繼起而歸安韓敬武進鄭鄆東鄉艾南英溧陽陳名

夏遂廣搜有明制義彙為巨編風行海內矣世基弟紹基娶於項早卒項以苦節聞

金麗兼字雙南秀水人年十三補諸生中萬曆乙卯舉人丙辰進士任行人兩命封藩陞禮部主事天啟甲子擢文選進稽勲郎中假歸閉戶十載崇禎癸酉召補文選郎時溫體仁當國給事中李世祺劾之帝怒欲追譴世祺考選時掌選郎孫必顯麗兼白尚書李長庚曰考選貪懦不職之人則堂司官均應連坐若能彈劾執政乃不負言職者當時司官宜賞今欲

追處非法當執奏長庚謝不能麗兼遂自上其言奉
旨切責乃詣體仁所反覆勸其申救會帝意解長庚
必顯並得輕譴時科貢監生入貲得越次授職名曰
拔選麗兼曰似此則貧者彌苦矣具疏革之帝之御
下嚴而於銓曹尤甚前此典選者罪譴四五人殿衛
因挾勢以干麗兼不為阿徇山東按察使李天經督
修曆日久題加光祿少卿上以不合驟陞詰問且密
令殿臣駱養性訪其有無餽遺既稔其無私不罪未
幾仍貶三秩視事麗兼畏罪請養歸辛巳補南助教

癸未自南精膳主事復改文選量移考功郎中卒於
官兵書史可法疏其清節請卹報聞弟華揚鄉貢官
吳川含山知縣

陸康稷字衷涵

一字粒

本秀水人寄籍吳江中萬曆壬

子應天舉人己未進士知貴溪縣調繁廬陵廉而善
察有富民曾某毆丐者邑中丐舁死人詣稷駕言為
曾毆死稷察其屍非新死者探其喉有土窮訊之乃
掘地下屍誣曾者遂寘正於法天啟辛酉充本省同
考邑當編審而稷以考滿行取為留三月悉心審定

民其戴之

江西通志有傳

至京授武選主事忤璫勒罷崇禎

初元起稽勲三轉驗封考功文選陞本司員外給假歸未幾論降南臺建起驗封員外進考功郎中尋改文選時馬士英用事名器濫觴康稷充位而已南都破歸卒於家

沈淳字惟厚嘉興人為諸生歸自學宮遇一少婦隨之淳不顧有頃不見乃知非人也又嘗讀書精舍有隣女夜奔閉戶拒之中宣德己酉舉人正統改元進士授刑部主事調考功己未充會試同考陞稽勲員

外卒年八十七晚歲居於梨林里著拙菴集○同郡
又有沈淳海鹽人嘉靖癸丑進士禮科給事中

金鼎字宗器嘉興人正統初元以貢肄業國學舉鄉
試乙丑登進士授兵部司務改吏部司務陞虞衡員
外調吏部扈駕土木歿於邊

見舊死
事志

卞綸字允若本嘉興人外繼姚氏為嘉善人詩才清
麗書法規摹晉人有時名隱居教授著夢草集子徵
徵子翮字廷舉號三韭授經同里懷氏有女窺之不
顧異日曝履於庭女納書其中致款曲焉即日辭去

以諸生終翽弟翼字廷輔亦以詩名有桂岩集

諶字信之

一字翽

子弘治戊午舉人壬戌進士授

廣信府推官決獄精允經鉛山嶺有卧屍夜夢一人謂之曰某本傭工為主所殺密訪其人得之竟抵罪郡有巨室殺人匿屍燕室中獄久不決諶廉知其處發屍驗之遂服辜郡中稱為神明嘗謂姑息所以養盜乃嚴勾捕得宿盜以重法治之盜為衰止三載行取道卒

江西通志有傳

從子瑞字汝佩選貢知雲都縣衆綸

及翼集合刻之為雙壁集

錫字孝叔號豹山父玉字成伯號白溪諱兄子也
事母以孝聞由鄉貢歷海陽教諭引年歸錫少負異
才主簿吳某愛之以女妻焉中嘉靖乙卯舉人丙辰
進士授中書舍人尋遷稽勲主事丁母憂歸卒卒後
邑人盛唐夢錫過之曰余入殮家人不慎屈足拇指
艱於步趨唐覺而大異往視果然乃更殮之錫工文
章及書法所著有司勲遺錄豹山集長子洪勲岷府
審理正有漱石居棘栖軒二集次洪烈鎮海衛經歷
次洪載字子靜一作子厚有學識高攀龍招主東林講席

兩被徵命不赴著持敬省察約言綠雪軒集

洪章字令甫號貞宇父鎰鄉貢玉次子也洪章國子生授武進縣丞吏事之暇息心務學無錫顧憲成高攀龍慕其為人造焉令楚人謂為己來肅衣冠以俟門者俄報曰入丞署矣令爽然未幾王肯堂亦至劇談共飯而去令大慙恚以事中之解官歸有懸解山人集四十卷壬癸集一卷帝王履元甲子紀一卷正閏統紀要編一卷四六代言十卷

夏允彝字彞仲號瑗公華亭人入籍嘉善萬曆戊午

蔡獻臣為督學校充場儒士拔第一入試遂中式主
司愛其才館之家塾年十八耳未幾文名滿天下江

左自東林講學後爭為社集以文行相砥礪允彝與

陳子創幾幾社於雲間龍
靜志居詩話松江舊有十八

馮祭酒與焉崇禎中周勒自偕陳夏諸公倡幾社首

事僅六人以詩古文辭相砥礪今所傳壬申文選是

已陳夏皆以名節著惟勒自早天崇禎丁丑成進士授長樂知縣廉

惠多異政人稱神明上官有疑案爭屬之日對簿不

暇諸所興釐皆得大體而催科尤有法暇與生徒論

文士子雲集

福建通志有傳

己卯充本省文武同考甲申擢

考功主事未赴國破

明史稿福王立擢考功主事疏

彛名屢為好辭招之

服既除猶不起御史徐復陽者

故逆案中人至是復官

希要人指劾允彛及其同官

文德翼居喪受職為非制

以兩人皆東林也兩人實

未嘗赴官無可罪吏部尚書張捷遽議貶秩調用時

論為之

乙酉聞南都變方召客酒闌送之出門紿執

不平

乙酉聞南都變方召客酒闌送之出門紿執

燭者曰更取燭燭至允彛已自沉於河允彛神韻秀

爽雖弱不勝衣而意慮深長有表正人倫之概不獨

以文章自見所著有禹貢合註

靜志居詩話幾社六

詩非專尚然其揆長樂志境有孝子節婦必賦詩旌

乙酉五月第集有練川五哀詩按練川城潰乃是年

乙酉五月第集有練川五哀詩按練川城潰乃是年

七月五日援公尚存則止水之投當是松江失守日

七月五日援公尚存則止水之投當是松江失守日

乙酉五月第集有練川五哀詩按練川城潰乃是年

乙酉五月第集有練川五哀詩按練川城潰乃是年

七月五日援公尚存則止水之投當是松江失守日

爾子完淳字存古負異才允彛死二歲以陳子龍獄辭連及下獄談笑自如作樂府數十闕臨刑神色不變年未二十有五有玉樊集南冠草靜志居詩話鍾廣漢曰陳大樽選明詩存古年纔十餘耳而宋轅文援其論詩以作序此時已許其作後進領袖矣迨十五從軍十七授命磨盾草檄不異老生宿儒信異稟也妻錢遺腹生男不育為尼年八十餘允彛遂絕

嘉禾徵獻錄卷四

禮部

郡人盛楓丹山輯

男支焯校訂

鄒濟

幹子煜

俞綱孫文煥

姚宏謨曾祖王祖漢父應科

宏誼

常士昌娶隋氏子縉紳縷
婦文適高縷子金

麟母馬氏
孫繼瓚

文烱曾祖龍祖滿
父禾戚於國

高繼父策祖母姜母高氏
孫駁發

吳鑄祖萃父洪珍
子源起

鄒濟字汝舟本嘉興人徙錢唐少孤天資穎敏博學
強記尤長春秋餘杭令聘為本縣訓導奉母家焉以

師道自任振起後進使趨於學令丞以下皆嚴憚之
秩滿陞中都國子學錄轉助教一時國學之為師者
咸與之交諸生亦樂就其講解坐事左遷西安府教
授未赴改河間洪武十五年舉通經擢知平度州廉
靜溫厚吏民安之規州永樂初修撰李貫一作實舉修
高廟實錄書成賜鈔衣一襲表裏各四白金五十兩
除儀制郎中安南拒命詔成國公朱能帥師征之辟
濟司奏記安南平餘黨復貳再出濟亦從往章奏皆
出其手陞廣東左叅政簡重寬平以率郡邑坐累左

遷考功郎中數月獻陵留守南京選宮僚擢左春坊
左庶子授皇孫經秩滿陞少詹事時宮僚多得罪徐
善述王汝玉馬京梁潛周冕等皆被讒下獄濟積憂
成疾仁廟憐之賜書曰卿善自攝卽不諱卿苗裔必
不令隆達蒿也未幾卒年六十八濟為人和易坦夷
不見崖岸為文章不煩思索舉筆立就所居號頤菴
客至必具酒相傾洽遇山水之游輒欣然從之兼嗜
老釋諸書歿之日惟藏書數千卷洪熙改元贈太子
少保諡文敏命有司立祠墓旁春秋致祭

明史稿成
有傳

化中子幹滿尚書考請贈所司擬贈尚書而加資德
大夫正治上卿特旨進一級遂得太子太保禮部尚
書亦異數也

幹字宗盛濟為宮僚時成祖有異夢旦朝問諸臣
有舉子者乎濟以生子對成祖喜令月給米一石養
之仁廟監國幹尚幼以濟清勤遣充應天府學生親
蒙諭勉賜鈔二千貫仍月給米二石幹感奮力學正
統戊午中應天鄉試明年登進士授職方主事陞武
選員外郎郎中己巳英廟北狩京師戒嚴超遷兵部

右侍郎倉猝間發廩給軍不俟奏報一日兵士擁東城御史請給馬草鄉民萬計走城下叫號求入守者以給草方劇未及啟門幹曰草不得廐馬不過瘦死耳城以衛民若無所衛焉用城為乃從幹言明年景泰改元被敕清軍職帖黃事竣改禮部右侍郎易儲以本官兼左春坊左庶子尋奉敕考察山西官吏巡撫山西都御史朱鑑奏幹考察之後告訐風行有司懼誣不敢追督邊儲幹自陳臣在山西請黜罷右布政使侯復等三十餘員中有軍民告訐者必詳加審

覆得實後行未嘗輕信躁發此必貪官污吏畏發其私假此聳動倖免考察而鑑徇情偏聽耳況臣初至時已在邊儲赴運之後其有未完皆有司庸情所致豈因考察而有妨誤哉由方面風憲非人故綱紀蕩然無所表率而有司中又多出巡鎮所舉一有敗露曲為迴護繼今乞嚴選方面正員以為諸司表率杜絕鎮守巡撫保舉以歸吏部選除從之癸酉以大水詔往濟寧徐州等處賑救還出督易州山陝新炭奏設主事一人綜覈其事三年衆議以幹多才不宜久

處間局乃召還治部事尋陞左侍郎復辟後襄王來

朝故事當祭門而入自遷都後來朝禮絕莫有知者

幹檢太常故典行之實錄天順三年十月庚戌藩王

李剛女為弟永平王妃李磐為妹長平郡主儀賓已

受封冊未及成婚而父王薨今父喪已越大祥陰陽

書謂明年為弟妹婚而父王薨今父喪已越大祥陰陽

部侍郎鄉幹言服內成親律有明禁今藩王與郡王

郡主俱父喪未終乃惑於陰陽之說而欲廢此喪制

乞行長吏啟王俾待服闋成禮上曰是長史不能輔

導之罪其命巡按御史執問如律孝恭皇后上仙典禮繁冗尚書石

琚病不能視事命幹署部事及上不豫奏請皇太子

御文華門代受朝賀

明史熈天順七年二月會闈大

之成化丙戌撫按畿內許便宜行事明年以老辭位
不允未幾拜南禮部尚書居二年改北仍令經筵侍
直自是治部事者十年加太子少保累知貢舉乞休
令馳驛還里仍月給米二石輿夫四人居十二年
而卒年八十四卒之前二月杭屬大饑手疏以聞孝
廟以幹身居田里而能上達民隱詔如奏賑恤出內
帑文綺傳賜幹又令有司備羊酒綵緞往勞未至而
幹卒訃聞諭賜祭葬贈太子太保諡康靖明史稿幹不悅學嘗
抑陳真晟而視水火時臨清諸生伍銘等願輸子煜
粟入監讀書幹為之請納粟入監自幹始也

蔭入太學仕至南大理卿

俞綱字宗立嘉善胥山鄉人寓籍上元為諸生改隸順天府學以習字選正統元年舉修宣廟實錄歷中

書舍人尋為郎府授書稍遷至審理正景泰初推恩

舊臣轉太僕少卿

列卿紀作正卿

分領禁卒守安定門尋陞

兵部右侍郎未幾轉左丁母憂遣官致祭有司營葬

奪情視事命入內閣預機務辭不入充經筵講官易

儲加太子少保

鄭曉徵吾錄景泰三年廣西潯州守備都指揮黃珙欲奪第珙子均思明

土知府世爵令其子襲破府城支解珙父子瘞後圃事發知不可宣上奏請廢太子立世子見濟景帝大

喜下廷臣會議相顧莫敢發言司禮太監興安厲聲曰此事不可已即以爲不可者勿署名時俞山與江淵爲侍郎俞綱太子少保兼左春坊大學士英廟復辟革宮保改南戶部

左侍郎六年改南兵部尋遷南禮部尚書成化二年

致仕

黃瑜雙槐歲鈔譏綱無他材能其遭逢可謂過

室每述其父

觥望之言焯按

十四年卒賜祭葬如例

此語得之

附

孫文煥以任弘治間爲福寧州橫州知州

楊翥傳

姚弘謨字繼文號禹門先世由華亭遷秀水遂爲秀

水人曾祖玉鄉貢基江教諭祖漢亦鄉貢官襄城訓

導父應科弘謨嘉靖壬子舉人癸丑進士改庶吉士

授編修教習內官坦衷質行不為立異己未充副使
冊封唐藩壬戌為會試同考呈卷大主考袁煒意不
愜謨引故事爭曰異時詞臣無易卷例煒不得已註
榜然心銜之左遷六安州判官越二年陞揚州府推
官初在六安直指使者待謨倨及謨為推官而直指
謫處屬下謨接之彌恭丙寅淮陽苦澇躬歷村落多
方賑給遷常州府同知會知府入覲攝郡事庫有贏
金數千絲毫不取封識以俟知府之歸入南為刑部
員外俄轉祠祭郎中隆慶己巳以叅議分守衡水郴

就遷本省副使提督學政萬曆癸酉進江西右叅政
改南太常少卿國子祭酒未及赴而母李歿先是漢
在襄城為應科娶襄城李氏生弘謨二月應科以赴
試還浙遘疾卒李歸母家謨自襁褓育於祖母母黨
故在襄城既仕解官溯淮間行諏訪母故在相持大
慟卒奉以歸限於令甲不喪出母因請告歸廬墓者
三年補祭酒充經筵講官未幾轉禮部右侍郎兼侍
讀學士歷進吏部左侍郎以疾乞休卒年五十九賜
祭葬贈禮部尚書著寶綸閣集錦囊瑣綴弟弘誼

弘誼字宜卿號日門長精音律集元人歌曲為樂

府統宗十五卷其自序云夫自三百篇亡而雅樂歿

殘廢正聲之之允失傳也久矣故樂府詞辭章恒

流僻外誤雖極魏晉隋唐作者代不乏人往往往體

製不一音調亦殊縱工於文者或傷於律哉

識其曷者或昧其音是是以抱不馬羈三才若蘇

子瞻者猶難難免夫製詞如詩三謂而姜君堯章周

君艷邦彥輩自製譜曲每每懷懷詞吃氣卑弱三憾

逮至金元馬致遠字東籬大都實甫大關漢卿號

以江浙行省務官王都人已齋吏

大都人太

樸號蘭谷先生文舉之子掌
禮儀院太卿贈嘉議大夫

鑄詞銘意

迴出人表琅琅如天馬行空馳

鰲磬鼓浪而高安

周氏德清刪則

又精通音律屬意詞林設其聲分平

仄字別陰陽各有攸審當不睽金法度是呂章

卓聲

英司

詞世稱獨絕

詞曲

此難言也余

不佞媿非知音者故於暇日採撫峯南北樂府新舊

牌名類入九宮十一哥仍各呂引子分劇列於前

呂過臣具贅於後而詞中遇字有多寡

句有

長長短短板有不同腔有不一者亦隨其牌名呂附

綴三因是景題昇其帙曰樂府統宗蓋言統者總也
宗者灋法也總萃北宮司呂便作者知有所取金也
噫詩有格詞有譜猶物三有準劑三有繩墨也物
不能廢準劑呂全民用三不能舍繩墨呂運斧斤而
填詞者豈能外標暉的呂成成宮曷哉此不佞命名
三微意也若夫章聲豪雋三士咳唾成璣亦何藉於
是青蓮居士姚弘誼藏於玉芝堂篇中多用古字
以示奇奧今皆存之

常士昌海鹽齊景鄉人宋端明殿學士吏部尚書楸

曾孫永樂中以薦授山西行太僕主簿陞行在精膳

主事歷本司員外出知保定府調雷州卒於官年四

十九見兩浙名賢錄繼娶文登隋氏舉三子縉紳纓携歸教

之寡居五十年詔旌其門士昌彝秀水諸子因家焉

縉不仕紳遷安縣丞纓正統丁卯舉人廬江德安訓

導陞南國子助教子金鄉貢應天府學訓導縉女適

同郡高霽甫九月而霽卒無子苦節縉子麟

麟字汝仁號鶴湖母馬氏年幾百歲麟成化庚子

舉人辛丑進士常氏譜常讀書東塔僧舍夜聞鬼嘯出向之鬼驚遁去呼曰常侍郎來

遂絕矣由此授職方主事歷員外郎郎中時火篩內侵畿
甸震恐本兵馬文升獨倚麟為重凡條議奏疏皆出
麟手常氏譜每作疏令吏別具紙筆以俟稿滿一行
麟屬意指數出為河南右叅政商城大盜黨雄流
劫旁郡延及湖廣羅田蘄水麟廣為方畧次第削平
猶以失事奪俸歷福建右布政使轉左進應天府尹
轉南禮部右侍郎劉瑾誅降山西右叅政致仕孫繼
瓚親歿廬墓三年有友病疫合門不能起繼瓚獨為
之周旋湯藥月餘遂得痊

文烱字叔明曾祖龍字汝昇麟弟也弘治壬子舉人授辰州府推官終壽州知州祖瀟鄉貢思恩府經歷父禾與瀟俱歿於任文烱與張扶二喪歸受經國同邑御史戚於國吏部郎中鄒國儒隆慶庚午舉於鄉乞恩太倉州學正故事教官不得兩試禮部文烱萬歷癸未己滿六年考破格錄送以充貴州鄉試同考赴京逾期卒不得試遷國子博士太倉諸生思之不置乞王世貞文勒石紀之尋轉南國子監丞歷大理評事右寺正出知楚雄府未滿歲卒於官

南雍志杜環傳

兵部主事常允恭卒於九江其母張氏流離客寄無
所歸人謂之曰安慶守譚敬先非允恭友乎盡往依
之張允恭同僚時一元已歿張大困丐食至南都環父
坐見張大驚若常見其面者問曰母非常夫人乎何
為而至於此張泣告以故環亦泣扶就坐拜之復呼
妻令媵女從行無所遇乃止環家貧堅欲出問他故
環輒諾怒環私戒家人勿以困故與較越十年環以
意常贊禮郎奉敕祠會稽還道嘉興訪其幼子伯章
泣謂之曰太夫人環家日夜念子成疾奈何伯章
見伯章曰我亦知之奈道遠不能至也更半歲伯章
來張抱子大哭伯章見母老不能行給以他事去張
後竟死環家環具棺殮如禮買地鍾家山葬之歲時
祭焉按此傳乃宋學士廉筆而郡志竟無允恭名常
氏譜又以伯章為允恭字亦不言其曾任於朝但云
以孝友稱更與傳言相戾下云見○戚於國字忠甫
史眉快雪堂客座贅語殊不可解

號龍泉秀水人嘉靖己酉舉人壬戌進士知南昌縣
召入為陝西道御史道卒

高繼字永仁亦瀟孫父策贅高氏高繼出後於其
母之弟高儒因以高繼元中萬曆辛卯鄉試戊戌成
進士始復常姓而易其名為高繼授黃州府推官補
南昌陞主客主事終員外郎高繼之祖母姜及其母
高俱以苦節被旌高繼孫駿發字公武崇禎壬午舉
人

吳鑄字鼎陶秀水人祖萃詔安主簿父洪珍諸生鑄

萬曆戊午舉人崇禎丁丑進士釋褐廣信府推官鉛
山峒寇為亂巡撫解學龍發兵擊之未至而師潰鑄
率府兵援勦獲其渠魁張晉徽等己卯充江西同考
拔劉渤為第一後死難壬午復充應天同考癸未以
卓異行取未至而京師陷南臺建補儀制主事年八
十九卒於家江西通志子源起順治甲午舉人辛丑進士官禮科給事中

嘉禾徵獻錄卷五

兵部

郡人盛楓丹山輯

男支焯校訂

項忠

祖邦父衡
玄孫桂芳

經

子鏞 鎡

錫

子元深元汝深孫隆先
深曾孫堯睿深孫女

元治

子時亨子利賓

鼎鏞

承芳

父元孝

俊卿

真

綬

子鈞 曾孫季松

綱

父質
子銓

元淇

篤壽

德楨

鼎鉉

聲國

夢原

元汴

子穆 德成 德新
孫阜 謨 聖謨

嘉謨

子翼心
安張氏

元濂

曾祖文
元滄

良枋

五世祖序

項忠字蓋臣號喬松嘉善人祖邦字景亮洪武初舉
人才官孝感同安吳江三縣丞父衡生忠吳江丞署
時永樂十九年辛丑也忠中正統辛酉舉人壬戌進
士請告歸娶除刑部雲南司主事陞陝西司員外扈
上北隘土木久之挾二良馬而南馬疲棄之步奔七
晝夜達宣府年譜禿堅子留公牧馬公胡服挾所乘
二良馬間道走望斗而南越四日夜馬

疲乃棄馬潛步忽遇一山崖路絕攀援而上至山半
飢僅且行且仆倚石款飲忽見松下有物塊然乃肉
乾也公取肉吸泉復起行若有扶掖之者遠見胡騎
出沒恐為所獲晝匿夜趨凡七日夜始達宣府會御
史張公吳按宣府開闕納之既見仆地移時乃足
刺史蒞蔡百數而公不知都御史羅公亨信為巡撫來
視公令人拔之竟日乃盡卧調上谷兩月餘嘉興
縣志公臨邊害一胡婦曰君欲歸乎公曰然婦曰吾
習途逕君往吾與俱因載餘糧同公潛行且強半
胡婦曰此去邊關尚四日程所齎糧不足供二人往
與俱斃耳且此去邊關尚四日程所齎糧不足供二人往
公忍痛獨行甫抵關而枵腹者一日矣至今項氏祠
胡婦於還朝尚書俞士悅保留山東司署員外景泰
二年出為廣東副使按部高州謀報賊數百攜男婦
流劫忠曰賊無攜家剽掠理訊其俘皆良民被掠者

盡釋之癸酉從都御史馬昂征隴水獠有功加從三品俸審錄罪囚死者請令從軍全活甚衆丁父憂服闋補山東副使天順三年遷陝西按察使歲饑發廩不待報壬午丁繼母憂部民詣闕乞留詔奪服還任徵為大理卿陝人乞留如前乃改右副都御史留撫陝西甲申洮岷羌叛忠言羌志劫掠盡誅傷仁遽撫不威請聽臣便宜從事報可乃發兵據險揚聲進討卒降其衆而還陝西數苦兵成化元年延綏復被寇忠上言三邊大將無生殺權而敵能致其死命士卒

畏敵不畏將是以戰無成功苟假以威柄嚴退怯之
誅彼知進則可生退則必死安有冒必死之地而不
求生於一戰者至廟堂舉邊才不聞有一應詔格於
不能對策耳今天下學校生徒善答策者百不一二
奈何責武人上善其言而所司守故事不能用明年

毛里孩舉國犯邊奉救提督軍務與彰武伯楊信破

之小龍洲

明史稿毛里孩寇延綏忠與彰武伯楊信

督軍務忠方赴延綏而寇復陷開城深入靜寧隆德

六州縣大掠而去兵部劾忠帝特宥之搜套師亦不

出按襄毅自敘兵部計謀與予少合抗章五請先帝

遂救提督軍務與總兵官楊信協謀屢戰而克奪回

人馬弓箭刀甲牛騾羊匹數千冠乃遠遁聞壘書
獎諭賜織金表裏二似非虛語明史稿云云恐得之
實錄及一時愛憎關中水泉鹵不可飲為開龍首渠
之口不足憑也

三十里鄭白二渠亦久廢忠募工疏鑿灌涇陽三原

醴泉高陵臨潼田七萬餘頃名曰廣惠民生祀之陸

菽園雜記公嘗令慶陽邠寧等州縣督民種樹道旁

巡撫延綏都憲盧公祥有詩朝之云可惜路旁如許

地只栽榆柳不栽桑桑公和韻云老我豈無和食召還

計安知此地不宜桑二詩在慶陽公館壁間

管院事四年固原土達滿四反不三月有衆二萬據

石城遠近戒嚴明史稿滿俊者名滿四其祖巴丹自

雄長仍故俗無科徭其地在開城縣之固原里與邊
隣俊獷悍素藏匿奸盜出邊鈔掠曾有獄連俊有司

迹通至其家多要求俊怒遂激衆為亂守臣遣其姪
指揮壽往捕俊劫壽與叛入石城石城即唐吐蕃石
堡城稱險固非數萬人不能克山上之城砦守將寧
四面峭壁惟一徑可緣而上俊據以為巢穴守將寧
遠伯任壽廣義伯吳琮琮馬文升西巡撫都御史陳
介失機逮詔獄介今言作价并稱或命忠復出總督
軍務協同巡撫馬文升總兵劉玉進討滿四聞大兵
且集退保石城山忠分兵七屯合圍之戒勿戰困賊
伏羌伯毛忠遠命先登敗死忠中流矢軍遽退即陣
斬一指揮以徇衆始定廷議欲益師請詔問忠忠言
京軍怯益之無濟主議者惡其異己適有星孛於台

斗中朝多言占在秦分不利西師忠曰昔李晟討朱
泚榮惑守歲此何害內閣彭時獨右忠且惡撫寧侯
朱永等張皇其事止兵弗遣忠移據水草困賊益堅
相持百日賊窘欲降邀忠與文升相見忠偕劉玉單
騎赴之文升亦從數十騎至呼四諭以速降諸脇從
者遙望羅拜忠直前挾其姪璫以歸四氣沮猶豫不
出其有逸出者皆縱使去四愛將楊虎狸以夜出遠
汲被擒忠貫其死解金帶鉤賜之遣歸為內應滿四
竟為虎狸所誘擒之賊盡殲於是毀石城鑿石紀功

而還凡斬首七千六百俘二千六百因陳四事為經
久計是役也訛言洶洶忠大小三百餘戰親當矢石
無懼色常嘆曰奉命討賊久無成功甘心效死文升
服其忠毅召還臺五年策功陞右都御史管院事六
年京畿大水奉敕巡視順天河間永平發廩賑濟更
設法義勸得米二十六萬五千石銀布牛具數萬軍
民全活者二十七萬七年大旱荆襄流民入山者九
十萬人有李源者故賊劉通之黨倡流民為亂與王
洪王彪等掠南鄭房內鄉渭南諸縣詔忠以本官出

督軍務與湖廣總兵官李震討之忠至襄陽以見卒
軍弱請調永順等土兵而先分軍布險要遣人入山
招諭於是民多攜老弱來歸賊黨王彪引數十人覘
師且阻歸者猝出擒之時白圭為兵部遣錦衣百戶
吳綬贊叅將王信軍綬欲攘功不利賊瓦解縱流言
圭信之欲止土兵無調忠疏爭且劾綬罪上為召綬
還而聽調土兵如故合二十五萬人分道逼之賊潛
伏山砦副使余洵都指揮李振過竹山乘溪漲半渡
擊之遂擒源洪凡遣還鄉者四十萬編戍者萬餘斬

首者二千級獻俘於朝者百餘人上便宜十事詔留撫治進左都御史明史稿忠戶選一丁充戍湖廣邊占籍者有司一切驅逼不前即會有星孛於天田給殺之其發戍者舟行多疫死

事中梁璟劾忠妄殺明史緊檢討張寬者襄陽人侍置流民事適忠奉命王請書常不樂屢上書言處諳練軍情願於軍中聽用忠因薦之同往為衆所嫉於是給事中梁璟論劾焯按項氏家乘載襄毅公寓襄陽戒子弟書襄人翰林檢討某隨我軍前行事甚作威福凌有司傲鄉里薄親戚逐同母之弟其人起程之後墳內明堂就被燒燬云云是殆即指張君則公固不滿白圭亦言流民既成業宜隨所在著籍又其為人也

駁忠所上功次互異上皆不聽忠上疏言臣斬俘皆

首惡今諸臣皆言良家子不知前屢奏猖獗者為誰
且圭亦嘗身任其事濫殺數十萬人今日之舉亦圭
遺也因乞骸骨不許八年又討平野王剛小王洪召
還院荆襄以忠搜斬故三十餘年賊不起十年代王
槩為刑部尚書十一年代白圭為兵部尚書時中官
言宣德中遣王三保下西洋獲寶物無算上索西洋
水程急劉大夏為本部郎中匿其冊都吏徧檢不得
大夏徐言曰二保下西洋勞擾軍民死者萬計舊案
雖存猶當毀之尚足追究有無耶忠悟揖謝之事遂

寢時上銳意欲知外事特置西殿詞事命汪直主之
直恃寵驕橫忠出遇諸塗叱令下與忠不應直怒遣
校卒候忠退朝邀而辱之未幾錦衣百戶韋瑛挾直
勢屢興大獄擅執京朝三品以上官中外重足大學
士商輅等劾直忠亦倡九卿劾之西殿遂罷召直還
瑛坐戍直見上泣言此內臣黃賜陳祖生欲相中傷
耳賜祖生調南京御史戴縉以倖進迎上意言直素
奉法無他西殿復設直以吳綬為腹心挾前恨伺忠
益急忠不自安乞歸治病未行而綬嗾偵事者誣忠

受司禮太監黃賜請屬用劉江為江西都指揮給事中郭鏜御史馮貫等亦交章劾忠辭連其子經及興寧伯李震彰武伯楊信等十三人詔法司會錦衣衛廷鞫忠抗辨不少屈猶坐是落職賜與震等皆得罪朝野咸為不平直敗吳綬死武昌獄忠復原官致仕

明史稿初直用事諸大臣恥與往來已而左都王越因西征識韋瑛遂與直密而吏部尚書尹旻復因越率諸卿貳詣直結歡喉言官排異己者於是商輅首乞去都御史李賓刑部尚書董方戶部尚書薛遠兵部侍郎程萬里及忠皆相繼去位

孝廟登極進忠階先祿大夫巡視

侍郎彭韶薦其尚可用不果召家居日與金禮梅江

戴祐姜諒伍方包鼎湯麓陳蒙福為樵李耆英會江

彙其先後唱和詩為一集府學教授蕭子鵬序之詩明

綜子鵬字宜冲新淦人以薦授嘉興府學教授有雲

邱子集詩話先生為吳聘君高弟交於白沙東白一

峯東海諸公亦與鏡川雲東相酬和詩專學擊壤體

其秉鐸吾鄉也有自警并示士子詩云天下無棄物

世間無棄人糞穢可滋禾木朽堪為薪牛斃製弓革

蠶老吐絲綸吾人一自棄無物為比倫農桑墮其業

終歲遭飢貧工商廢其職貨食靡有因士焉失其學

安得成厥身朱門產餓莩白屋曰陽春萬事毀於逸

百藝精於勤人能不自棄可以辭汚淪所宜揭諸坐

右又歲晚寫懷云披殘霜鬢方驚老開到梅花又是

春則不失為擊壤集中佳句也先生司教時百廢具

有集有思樂堂記在明倫堂後則太守黃樵所建也

西麗橋記則知秀水縣韓旭請於御史吳而告成者

也餘若楊文壁之迎碧軒梁德輿之鶴臯梅文淵之
冰雪堂戴孟常之環翠軒余敬之之松楸皆有記存
集中顧柳玟趙瀛劉應塔沈楨頗橫於鄉事發幾連
鉤等修府志緊不采錄塔沈楨頗橫於鄉事發幾連
忠巡按御史侶鍾力辨得免錄項襄毅掌都察院
千戶沈楨帖勢為惡公每升堂僉一牌令隸立府
呼曰告沈楨者入其父子青衣小帽當府門跪伏
月餘得狀百俱未有重情乃召其父子入諭曰欲
汝改過為善保爾身家密將其辭粘連為卷封識
木桶中公秩滿付東廠訪得楨為惡狀遣法司按
之公侶鍾責楨為惡卷案不得官吏酷受箠楚一
吏忽念曰楊公行時留此楨試啟視之正楨事也
擬軍罪以俟侶公嘆曰楊先生神人也即依擬問
遼東後宥回鄉人為公立廟楨子首輸銀十兩曰
家向若無公事發鈔沒歸田二十六年至弘治十五
無疑今家幸存公賜也

年乃卒年八十二贈太子少保賜祭葬謚襄毅錄其
孫鏞嘉興所千戶

明史有傳

忠倜儻多大畧練戎務強直

不阿敏於政事故屢建大功著歲史居集子經次綬
忠四世孫桂芳號楚東以國子生授光祿署正陞韶
州府通判能詩有歸來草

子玉荀著
李往哲續編

經字誠之成化辛卯舉順天鄉試丁未成進士授
南福建道御史在臺七年出知太平府太平為留都
南屏左江右淮稱股肱郡是時歲祲役繁流亡萬計
至經寬以撫之相繼復業巡撫彭禮御史邢鳳交薦

於朝會忠卒奔喪歸服闋補臨江府土寇出沒為患
經悉掩諸豪賊百八十餘人置之法一郡晏然年饑
監司督賦急經曰民憊矣以杖驅之直速死耳卒不
徵繼而大稔賦亦無虧劉瑾用事調知汀州無何勒
令致仕經弟綬為錦衣衛僉事亦矯詔編戍遼陽瑾
敗累有薦經者固辭不出詔以江西右叅政致仕元戚
佐檇李往經風度爾雅美鬚髯父產悉以遺幼弟鄉
哲編有傳人誦之子鏞官嘉興守禦所千戶遷蘇州衛指揮僉
事次鎧蔭鴻臚序班次錫

錫字秉仁號瓶山正德丙子舉順天鄉試嘉靖癸未登進士知建陽縣恭儉愛人敦崇風教有爭訟者

從容開諭消其忿戾建宋賢祠集諸生講學延御史

朱泚明詩綜泚字必東莆田人嘉靖癸未進士授湖廣道御史嘉靖三年值慈壽皇太后誕辰有旨

免命婦朝賀獨岩上言與國太后朝賀既已舉行慈壽誕辰乃聞報罷事體相類禮數頗殊臣竊念武宗

上賓蒼生無主當時為孝廟後者惟慈壽所欲立爾

事母後者何如天下臣民之心所以望陛下之事母

后者何如今乃旬月之間一舉一罷彼此相較形蹟

太殊何以慰孝宗在天之靈副天下臣民之周亮為

望疏入永陵震怒匪蔣文定力救不能生矣

部陝西司主事請告歸養丁憂補福建司主事遷尚

寶丞久之進少卿轉鴻臚卿三載陞南先祿卿論降

仍為南鴻臚卿兩浙名賢錄稱錫反初服即卸墟故邱林壑窈窕崎嶇嘉禾名花周巾籬落時垂竿車或

棹舴艋游息無時然自奉儉薄尤善下人野老村童必與

釣禮子元深元汝元深嘉靖甲子順天中式元深子

道亨女許字吳江吏部尚書周用孫應祁未嫁而應

祁歿訃聞女自縊死將死之夕恐為家人所覺佯撫

琴譜曲夜分衰麻投繯周氏迎其喪合葬明史稿貞女情女工

解琴瑟通列女傳事祖母及母極孝年十九聞周病瘵即持齋禮佛默有所禱侍女輩竊聽之若聞以身

請代一日謂乳媪曰未嫁而夫亡當奈何曰未成婦
改字無害女正容曰昔賢以一劍許人猶不忍負況
身乎及訃聞父母私其事然傳聞吳江人來女已
祖母孀其母入視女留母坐色甚溫母釋然去夜
諸婢熟寢獨起以素絲約髮衣內外悉易以縞而
其下裳檢衣物攜諸婢者名標之列諸牀上大書於
几曰上告父母兒不得奉一盞元深孫隆先萬歷癸卯
日歡今為周郎死矣遂自縊元深孫隆先萬歷癸卯
本省中式翰林院孔目元深曾孫堯睿天啟丁卯本
省鄉試第四人早卒堯睿遂於經學以春秋教授惜
不永年元汝以楷書供事授武英殿中書

元治字子聲號星渚本錫子出繼伯父鎧嘉靖壬
子舉人榜名元宗改今名丙辰成進士釋褐刑部主

事調稽勲陞員外尋改主客御史鄒應龍劾嚴世蕃
婪賄言元治改吏部索賂萬餘金逮問卒獄中年三
十九子時亨太學生汾州府經歷時亨子利賓字于
王萬厯庚子舉人乞恩寧海教諭遷知宜城縣

鼎鏞字于廷利賓弟以萬厯乙卯天啟甲子崇禎
庚午三科武舉充南都撫標把總崇禎乙亥流寇逼
陵寢應天巡撫張國維檄守安慶行至宿松戰死年
三十八同時死者蘇州衛指揮同知包文達吳淞守
備朱士胤把總張其威石電陳瑛事聞贈鼎鏞叅將

賜祭予一子世襲建卹忠祠於吳縣演武場祀鼎鏞

等一十五人

見鄒漪明季遺聞

承芳字彥國號見呂鏞孫也父元孝襲錦衣百戶

兩浙名賢錄元孝生五歲而父鏞卒宗人有利其世
官者令人挾匕首伏牀下母黃心動搜得之命以屬
吏元孝跪請曰擒一人一人復至徒以重怨不如備
之黃喜乃寄養他所而以貲萬三千金寄郡帑俟元
孝長而授之無何郡饑元孝白郡將請以助賑郡將
固廉吏不許因歸元孝金元孝乃糴穀以食飢者年
十三補諸生以高等食錄嘉靖初以錦衣世職為汪
直中傷所奪乞下所司覈敘得旨還元孝錦衣抑一
百戶尋進千戶為西司房理刑分宜柄國大獄屢興

芳妻又同邑吳鵬女也元孝避嫌挂冠歸承芳萬曆

丙子舉人癸未進士授刑部主事出為漕運理刑中
人在淮者通賄作奸承芳列狀糾之得旨逮闕并罷
中官督漕未幾卒於官子俊卿

俊卿字伯英號蘭齋年十七入京承襲授太子舍

人萬厯乙巳會舉上等授錦衣衛指揮累遷中府左

都督賜蟒玉蔭一子指揮同知烈皇小識稱錦衣徐

貞以少傅贈曾祖祖父如其官連本身四世一品矣

本高承文貞武蔭歷官都督同知遇覃恩亦得贈其

曾祖祖父連本身亦恰四世雖總由文貞推恩而一

人不中齒一人不重疊恰符八世俱腰玉稱一品亦

毅元孫其贈封與本高無異

真字不損承芳弟諸生年未冠巡按御史至試諸
生八股外別試詩一章賦得多兩紅榴拆真以行草
錄上書法絕倫人皆尤其不恭為之危御史賞拔第
一益自負儻蕩不羈游輦下坐事瘐死獄中著西湖
草靜志居詩話不損以門才自豪兼綜古今文深為
李長蘅聞子將所賞予嘗見其為閨人銘梳奩云
人之有髮旦旦思理有身有心奚不如是
筆法極其飛舞繹其語殆亦非真狂生也

綬字佩之以隨征滿四功授錦衛鎮撫積資至
本衛千戶忠忤汪直歸左遷湖廣九溪衛成化癸卯
從征貴州苗遷指揮僉事乞養親近地改蘇州衛嘉

興所千戶正德丁卯用薦征交趾為逆瑾所忌逮獄
編戍瑾敗乃歸子鉦字秉容號南沙出後於叔父繼
幼受業同郡盛公周中嘉靖乙卯舉人壬戌進士授
刑部江西司主事假歸遭憂卒綬曾孫季松字冬完
萬厯甲午舉人知澄海縣廣東通志但載季松無項字
子孫多貴顯說者謂其陰地甚佳余不謂然公按高
州釋良家被掠者數百人在陝西不待奏報發倉賑
饑滿四反誘其愛將擒斬四巡視京畿水災全
活二十七萬八千餘人有功如此食報宜矣

綱字立之忠弟質之子忠父三子仲曰質季曰文
質字素臣不仕綱成化辛卯與經同中式知昌邑縣

丁父憂起補長葛縣令歸買郡中陸氏宅將徙居破垣得藏金甚夥急召陸至於金中取宅價而還其宅夜夢神拜於庭曰僕陸氏祖也荷公厚德子孫得守故居請於帝得一篋以報啟之乃小紙三幅皆署叅議二字及孫曾接武如其夢云子銓字近溪鴻臚序班銓子元淇篤壽元汴

元淇字子瞻號少岳母陳早卒銓復娶顏氏生篤壽元汴元淇性孝友元汴質人粟萬餘石期未滿賣之訟於官監司王某與元淇厚知其家析財不均令太守

龔勉諷之元淇曰幸王公以元淇故有矜宥心死且
死且不朽若因以為利非所敢聞王大嘆服事遂寢
倭入寇議築嘉善城將拓其外垣城外皆列肆僦值
良厚縉紳多不欲毀元淇首撤之於是邑人不能阻
以貲授上林苑錄事遷署丞丁父憂遂不出著少岳
山人集

彭比部詩社四友傳子瞻開沉閣廊其器度
天下士也工字畫研利筆墮爰逼二王片楮

寸牘嘉人珍之自少熟文選其於詩也
深哉思密功錄而尤長於模寫物色

篤壽字子長號少谿幼警敏鄭端簡曉見而奇之
授所著書數萬言四日成誦以女妻之令居弟子列

遂曉暢經術明朝章初名篤周嘉靖戊午中式後改
焉壬戌舉進士授刑部主事母老乞南改南儀制請
假數年轉南考功進員外郎郎中神廟初張居正既
擠高拱去將除異己者乃非時京察嗾篤壽論罷南
給事中周守愚南御史姚光祚篤壽以南都人少不
可多去況二人敢言尤無可去理力爭得已丁母憂
起北車駕調職方居正建馬市之議篤壽論不協又
因事數裁抑權帥邊餉拂居正意適遼帥上功奏捷
郊廟以居正歸葬不關白益怒出為廣東叅議引疾

歸卒年六十六

見聞雜紀項少叅薦壽官南考功柄

不詭合於江陵僅轉廣東少著今獻備遺東觀餘論

列卿年表二子德禎夢原又哀其平時所上章為小

司馬奏章以別於忠

朱彝尊曝書亭集子長好藏書見秘冊輒令小胥傳鈔儲之舍

北萬卷樓其季弟子京以善治生產富能鑒別古人書畫金石文玩物所居天籟閣坐質庫估價海內珍異十九多歸之顧齋於財交易既退予價或浮輒悔至憂形於色罷飯不暇子長偵諸小童小童告以實者乎子京出其價浮者子長賞擊不已如子京所與值償焉取以歸其友愛如是

德禎字庭堅號元池長於經義中萬曆乙酉順天

舉人丙戌進士授屯田主事會有三王並封之命上
疏力爭不報與顧允成張納陞同郡陳泰來岳元聲
詰責內閣王錫爵於朝房出督易州山廠辛卯歲星
見民間訛言司天奏易州有王氣官兵且來誅屠紛
紛逃匿不可止長吏憂懼無措德積曰民方惘疑未
易法繩也於是治具合樂召客痛飲州人偵知之稍
稍復業見湧壟小品時倭擾朝鮮漸逼遼左乃撰北境禦
倭議七條邊藏方員外尋以山東僉事備兵薊州兵
部尚書石星用沈惟敬言議封貢倭長小西飛自山

海關關入德楨具疏力言其詐

兩浙名賢錄稱其在

歸昂旦暮叩闕泣請遣子來

薊生縛昂部小兒

鑄刀貢賞以還小郎兒

朝議以一昂部何足係中國

重輕楨裂帛以爭謂來賽捨

刺昂妻昆弟而卜彥趕

免分據東西擁強各萬昂所

向便足為重何謂可輕

矧開原宰賽既已許款青把

都死復與金縉昂獨何

心可空言相繫大司馬忌其功

中扼之遂有蜀藩之

命遷四川叅議御史王明劾其年不至官官論降久

之事白補密雲叅議進河南副使兵民詣闕乞留詔

為加秩尋轉山西叅議武弁安本立恃政府援橫行

所部德楨裁抑之遂被讒引疾歸卒年五十著皇明

弼直錄續名臣紀寧攘要編大政志廬中草等書子

鼎鉉聲國

鼎鉉字孟璜號扈虛萬厯丁酉以錦衣籍中式辛丑成進士選庶吉士被劾有詔覆試以疾辭左謫歸卒年四十五著實錄紀異呼桓日記學易堂筆記

聲國初名鼎愛字仲展改今名字教公崇禎庚午順天中式辛未成進士甲戌廷對授雅州知州布忱

惓釐積弊愛民造士州人作四清歌紀之拂上官意

引疾歸卒年四十二

闡德錄項公聲國文恪愛壻操

文恪戒董無異諸子

先生奉教惟謹然頗立崖岸歲如也為雅州守以循良著與撫軍忤罷歸然德澤

在民雅人至
今尸祝焉

夢原字希憲號元海萬歷壬子中順天鄉試己未

會試第二廷試二甲五名雜說夢原原名德榮夢中

夢至一所見黃紙第八名為項姓中字模糊下為原

字旁一人曰此汝天榜名次也因易名夢原壬子中

二十九名乙未會試第二名疑名次之恰合授刑部山西

爽迨廷試為第五名連鼎甲數之恰合授刑部山西

司主事張居正之僕尤七黷貨攬權夢原父篤壽曾

面叱於朝房居正敗七久居圉圉熱審原引年老例

出之野獲編近有作五七九傳者蓋指今上首揆江

禮署號曰楚賓當江陵柄國時頗能作威福入資為

幕職至冠進賢與士大夫往來宴會其後與徐爵同

論斬爵死已久聞七至今尚在獄中當其盛時無恥
者屈節交之吳縣在事其燭已不及江陵百一所謂
九者本姓宋名徐賓從吳縣初姓也署號雙山主人
先自別謹畏禍其僕亦能守法第頗與邊將往還通
路遺如李寧遠父子皆爾汝交五則名王佐署號念
堂太倉當國最晚最久門庭素肅無敢以幣交者
惟五與奔州僕陶正為密友染其骨董之癖頗收書
畫銅窰之屬郎中游提時趨之五比九尤為小詞今
臚列成三并前二人無色矣此傳出東省一大詞林
筆其時正負相望以小人無色矣此傳出東省一大詞林
及辛卯冬被白簡擬旨又不固留以此描寫之入閣
宋九以實主人之墨而七五則干連犯人也辛酉典
貴州鄉試試竣即行曰貴城懸險酋喙不日蠢動速
行庶免於難未及旬而安酋判省城受圍十月死者
四十餘萬天啟二年陞都水員外歷郎中遷山東督

學丁卯以山西副使備兵懷隆懷隆故積粟草足支
六七年而乾沒無餘乃廣為儲蓄歲大祲斗米四錢
煮粥貸糴以活飢民保安有奏封礦山奸民盜開爐
火燭天遣丁壯四十人與盜偕作乘間說其黨使散
因獲其首誅之順義王卜失兔為插漢所逐寄牧套
中遣白彥台吉率衆三百欲結援合兵假道於懷隆
部議允之檄所過犒以牛酒夢原謂彼力怯求援非
效忠納款比繳檄不犒俄而插漢與敖七慶毛乞炭
兄弟來侵夢原命守備高璉拒之毛乞炭中大砲死

八月教目逼城下斬其九級九月合衆數萬攻永寧
且及延慶遣千總陳其蘊馬如蛟叅將王應祥戚世
登等統師擊之懷來叅將孫慶守備郭秉忠龍門叅
將張懋忠永寧守備杜惟棟南山叅將王朝元各分
道援救合戰數日殺傷甚衆射教七慶墜馬死吏部
尚書王永光以捷多傷亦多論降一級歸卒於家著
宋史偶志石門避暑錄項氏經美諸書

元汴字子京自號墨林山人少英敏且席豪貴工
文章精書畫博雅好古購法書名畫鼎彝及諸玉石

器玩暇則臨摹前人翰墨尺寸皆見重於時又遴選
工匠造諸器具凡几榻架櫃奩盒各為之銘加以章
記後人得之珍惜如秦漢法物海內風雅之士取道
嘉禾必訪元汴而登其所謂天籟閣者神廟聞其名
特賜璽書徵之不赴舟州國朝叢記嚴世蕃積資滿
會矣而乾沒不止嘗與所厚屈指天下富家居首等
者凡十七家雖溧陽史恭甫最有聲亦僅得二等之
首所謂十七家者己與蜀王黔公太監高忠黃錦及
成公魏公陸都督炳又京師有張二錦衣者太監永
之姪也山西三姓徽州二姓與土官貴州安宣慰積
資滿五十萬以上方許居首等前是無錫鄒望者將
百萬安國五十萬今吳興董尚書家過百萬嘉興項
氏將百萬項之金銀古玩實勝董田宅典庫資產不

如耳何良後四友齋叢說嘗訪嘉興一友人見其
家用銀水次爐金商嘯是日客有二十餘人每客皆
金臺盤一副是雙螭虎大金盃每副約有十五六兩
留宿齋中次早用梅花銀沙鑼洗面其帷帳衾褥皆
用錦綺余終夕不能用交睫此是所目擊者聞其家亦
有金香爐此其富可甲江南而僭侈之極幾於不遜
矣焯按元朗此言不知所指耶附著墨林山人詩集
於此以見吾鄉昔日敦盤之盛云著墨林山人詩集
長子穆字德純國子生置義田千畝以贍族人及郡
城三學嘉善學貧士有書法雅言雙美帖行世次德
成文華殿中書次德新善畫孫臬謨文華殿中書聖
謨字孔彰以畫名嘉謨

嘉謨字君禹號向彤國子生工詩畫流冠獬獬乞

武職自效歷薊遼守備尋棄官歸乙酉城陷斂詩文
於懷率其子翼心及妾張氏投城中天星湖而死者
聽月樓詠史詩靜志居詩話向彤入閩登武夷曹能
之孫賦性儻蕩不羈中歲產落歲辛巳年饑糧絕從
父以五斗米貽之妾張為執爨知向彤不甘淡泊以
二升米易乾魚進飯向彤怒曰乾魚豈可下箸耶復
以米三升易炙雞乃飯余家與向彤隣竈婦述之以
為笑謂是裙屐子弟粟果少
年而視死如歸可敬也已

元濂字伯清曾祖文忠季弟自文以下皆不仕惟
元滄休寧訓導英山教諭元濂萬曆丙子舉人餘姚
教諭遷知瑞金縣終鳳陽府同知

良枋字幼輿永原七世孫五世祖序與修永樂大典書成歷知均陝沂三州良枋萬歷戊子舉人永和教諭遷知上高縣著幽湖居士詩草